

præmissis inferre conamus majus de minore , ex veris præmissis non raro concludetur falsum. In his vero modis, quando minus extremum concluditur de majore, id fit immediate, non mediante aliquâ conclusione, quæ directè sequatur, tum quia nullam directè inferre valeat, tum etiam, quia si inferrent, ea nulla esset alia, quam particularis negans, quæ cum converti nequeat, non posset eâ interveniente colligi minus de majore. Res autem longè aliter sese habet in *Baralip*, *Celantes*, *Dabitis*, in quibus præmissæ naturâ sua aptæ sunt inferre conclusionem majoris de minore, quâ ratione Syllogismi eorum dicuntur esse in *Barbara*, *Celarent*, *Darii*. Conversis autem conclusionibus dicuntur esse in his modis. Relinquitur ergo, quod *Baralip*, *Celantes*, & *Dabitis*, non sint modi indirecti. Quò facit, quod Stagirita lib. I. prior. c. 7. §. 2. scribit: si altera propositionum est affirmans, altera negans universalis, semper fieri Syllogismum, in quo concludatur minus extremum de majore. Ubi Aristoteles insinuat modos illos indirectos, *Fapesmo* & *Frisesmo*. Ex quibus simul apparet, quod Aristoteles non ignoraverit quartam Figuram, quia facile eas propositiones inverttere potuerit, ex quibus translatis immediatè habuisset quartam figuram: Constat enim, ipsum sàpè sàpies talem propositionum ordinem, quem secundum tres Figuras præscripsit, pro arbitrio suo immutasse, secutum in hoc morem omnibus omnino hominibus crebro satis receptum ac familiarem. Confer, quæ *Zabarella* tract. de 4. fig. syl. c. 10. habet.

§. XXVII. Cum autem locum anteà ex Aristotele citatum multi urgeant pro Syllogismis indirectis in secunda quoque & tertia figurâ adstruendis, lubet illustrandi loci illius ergo, ws èr παρόδω & tanquam aliud quid agentes, movere questionem illam: an etiam Syllogismi indirecti denatur